



Trg Pravde 12, 76100 Brčko distrikt Bosne i Hercegovine; tel: 049/216-081; faks: 049/219-063; e-pošta: asbd@asbd.ba
Трг Правде 12, 76100 Брчко дистрикт Босне и Херцеговине; тел: 049/216-081; факс: 049/219-063; е-пошта: asbd@asbd.ba

Broj: 096-0-Su-20-000572
Brčko, 23.11.2020. godine

Na osnovu članova 25. i 26. Zakona o sudovima Brčko distrikta BiH („Službeni glasnik Brčko distrikta BiH“, broj: 19/07, 20/07, 39/03, 31/11) i člana 8. tačka j) Pravilnika o unutrašnjem sudskom poslovanju („Službeni glasnik Brčko distrikta BiH“, broj: 66/12, 40/14, 54/17, 60/17 i 30/18), Odluke o organizaciji rada u sudovima i tužilaštvima u Bosni i Hercegovini Visokog sudskog i tužilačkog vijeća, broj: 08-02-2-1020-55/2020 od 30.04.2020. godine, Odluke o organizaciji rada pravosudnih institucija Brčko distrikta BiH za vrijeme proglašenog stanja prirodne nesreće, Pravosudne komisije Brčko distrikta Bosne i Hercegovine broj SuPK-03-548/20 od 11.05.2020.godine i Naredbi komandanta Kriznog štaba Brčko distrikta BiH o proceduri za sprečavanje i suzbijanje epidemije COVID-19 u prostorima privrednih subjekata, ustanova, institucija i javnih službi, predmet broj: 02-000049/20, broj akta: 01.1-1141SM158/20 od 23.04.2020.godine i od 20.11.2020.godine, predsjednik Apelacionog suda Brčko distrikta Bosne i Hercegovine donosi


U P U T S T V O

o organizaciji rada Apelacionog suda Brčko distrikta Bosne i Hercegovine za vrijeme proglašenog stanja prirodne nesreće

1. Radno vrijeme Apelacionog suda Brčko distrikta Bosne i Hercegovine je redovno radno vrijeme od 07,30 do 15,30 sati. Kontakt telefon je 049/216-081, fax: 049/219-063, e-mail adresa: asbd@asbd.ba
2. Rad Apelacionog suda Brčko distrikta Bosne i Hercegovine za vrijeme pogoršanog stanja prirodne nesreće usljed epidemije zarazne bolesti (COVID-19) organizuje se u skladu sa odlukama Visokog sudskog i tužilačkog vijeća Bosne i Hercegovine, Pravosudne komisije Brčko distrikta Bosne i Hercegovine i nadležnih institucija Brčko distrikta Bosne i Hercegovine.
3. Svi radni procesi, a posebno održavanje procesnih radnji u prostorijama Apelacionog suda Brčko distrikta Bosne i Hercegovine (javne sjednice, nejavne sjednice, pretresi, rasprave), organizovaće se uz maksimalno poštovanje svih zaštitnih mjera uključujući i adekvatnu socijalnu distancu zaposlenih, stranaka i drugih učesnika u sudskim postupcima u cilju sveobuhvatne zdravstvene zaštite svih lica dok se nalaze u prostorijama pravosudnih institucija Brčko distrikta Bosne i Hercegovine.
4. Pritvorski predmeti, predmeti proizašli iz vanrednog stanja, odnosno stanja prirodne nesreće, privremene mjere i svi drugi predmeti gdje je po zakonu propisano hitno postupanje, imaju apsolutni prioritet u rješavanju.

5. Nejavne sjednice sudijskih vijeća organizovaće se po rasporedu koji sačine predsjednici sudskih odjeljenja, uz saglasnost predsjednika suda. U pravilu, sjednice će se održavati u Velikoj sudnici ili Sali za sjednice Apelacionog suda Brčko distrikta BiH, jer ove prostorije, s obzirom na njihovu veličinu, omogućuju bezbjednu socijalnu distancu i konstantno prirodno provjetravanje uz obaveznu dezinfekciju najmanje jednom dnevno. Sudija izvjestilac će izlagati svoje predmete samo jedan dan u toku sedmice.
 6. Javne sjednice, pretresi/rasprave održavaće se isključivo u Velikoj sudnici Apelacionog suda Brčko distrikta BiH po rasporedu koji sačine predsjednici sudskih odjeljenja, uz saglasnost predsjednika suda. Prilikom zakazivanja ročišta obavezno je napraviti vremensku distancu između dva ročišta od najmanje 30 minuta, kako bi se izvršila dezinfekcija i prirodno provjetravanje sudnice. O terminima javnih sjednica, pretresa/rasprava, osim Sudske policije obavjestiće se i služba za dezinfekciju Zdravstvenog centra Brčko distrikta BiH i služba za održavanje prostorija Pravosudne komisije Brčko distrikta BiH.
 7. Sudije koje nisu članovi drugostepenih i trećestepenih sudskih vijeća, mogu u tim radnim danima raditi na pripremi predmeta kod kuće uz dostavu predmeta u skladu sa Uputstvom za automatsko eksportovanje dokumenata iz predmeta u CMS-u, Visokog sudskog i tužilačkog vijeća BiH broj 09-29-1-1104-9/2020 od 27.04.2020.godine. U navedenim situacijama dosljedno poštovati princip naizmjeničnog rada kod kuće i dolaska na posao u cilju ravnomjernog opterećenja svih sudija, kao i sudskog osoblja. S obzirom na prostorne kapacitete suda preporučuje se da broj sudija i sudskog osoblja koji dolaze na posao, bude veći od 50 %.
- Raspored angažovanja sudija utvrđuju Predsjednici sudskih odjeljenja, uz saglasnost predsjednika suda, a raspored sudskog osoblja utvrđuje Šef administracije Apelacionog suda Brčko distrikta BiH, po odobrenju predsjednika suda.
8. U predmetima sa većim brojem stranaka i učesnika u postupku u kojima je izražen veliki interes medija i javnosti, a u cilju obezbjeđenja principa javnosti rada suda, preporučuje se predsjednicima vijeća da svojim odlukama omoguće da predstavnici medija i građani suđenja prate neposredno uz poštovanje zaštitnih mjera ili putem audio-video linka.
 9. Stranke i drugi učesnici u postupku, prilikom ulaska u prostorije suda i u toku boravka u sudu, dužni su se pridržavati svih zaštitnih mjera, prema Uputstvu koje se nalazi na službenom ulazu u sud, a posebno obavezan prolaz kroz dezobarijeru, dezinfekcija ruku, mjerenje tjelesne temperature i nošenje zaštitnih maski i rukavica.
 10. Predsjednik suda će pratiti epidemiološku situaciju u Brčko distriktu BiH i po potrebi preduzimati dodatne mjere u cilju ublažavanja postojećih zaštitnih mjera, do potpune normalizacije rada suda u punom kapacitetu.
 11. Uputstvo stupa na snagu danom donošenja, a primjenjivaće se od 23.11.2020.godine.

Sastavni dio uputstva je raspored angažovanja sudija i sudskog osoblja od 23.11.2020.godine.



PREDSJEDNIK SUDA,

Danjan Kaurinović

Dostavljeno:

- Visokom sudskom i tužilačkom vijeću/savjetu BiH,
- Pravosudnoj komisiji Brčko distrikta BiH,
- Zboru advokata Brčko distrikta BiH,
- Svim zaposlenim,
- A/A.